



Avrea Gemma Christianorvm

Ruben, Leonhard

Paderbornae, 1604

III. Multis alijs virtutibus exornata fuit, quarum varietate circumdata fuit.

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

CAPVT IV.

Multis alijs virtutibus exornata fuit.

QVarum varietate circumdata fuit. Psal. 44.
10. præcipuè verò sequentibus.

Primò. Fide. Prou. 31. 18. *Gustavit, & vidit
quia bona est negotiatio eius: non extinguetur in no-
cte lucerna eius, fidei scilicet. Luc. 1. 38. Dixit au-
tem Maria: Ecce ancilla Domini, fiat mihi secun-
dum verbum tuum. Vers. 45. Et beata qua credidisti:
quoniam perficientur ea, qua dicta sunt tibi à
Domino. Ioan. 2. 5. Dicit mater eius ministris,
quodcumq; dixerit vobis, facite.*

II. Spe. Eccl. 24. 24. *Ego mater pulchra di-
lectionis, & timoris, & agnitionis, & sanctæ spei. Ioan.
2. 5. vt in præcedenti de fide.*

III. Charitate. Eccles. 24. 24. vt in præce-
denti membro de spe. Luc. 1. 36. *Et ecce Elisa-
berh cognata tua. & ipsa concepit filium in senectute
sua; & hic mensis est sextus illi, qua vocatur sterilis.
& cæt. vers. 39. 40. 41. Exurgens autem Ma-
ria in diebus illis, abiit in montana cum festinatione,
in ciuitatem Iuda: & intrauit in domum Zacharie,
& salutauit Elizabeth, cum qua & tandem men-
sibus tribus mansit. vers. 56. Ibid, cap. 2. 7. Et
peperit filium suum primogenitum, & pannis eum in-
uoluit, & reclinauit eum in praesepio: quia non erat
eis locus in diuersorio. Ioan. 2. 3. Et deficiente vino,
dicit Mater Iesu ad eum: Vinum non habent. Ioan.
19. 25. Stabant autem iuxta crucem Iesu mater eius
& soror matris eius, & Maria Cleopha, & Maria*

F 5

Mag.

Magdalena.

IIII. Castitate & perpetua virginitate.
 Cant. 4. 7. *Tota pulchra es amica mea, & macula non est in te.* Ibid. 6. 9. *Qua est ista que progreditur quasi aurora consurgens, pulchra ut luna, electa ut sol, terribilis ut castrorum acies ordinata?* Hai. III. 1. *Et egredietur virga de radice Iesse, & flos de radice eius ascendet.* Vide etiam cap. 35. 1. 2. Cap. 66. 7. *Antequam parturiet, peperit, antequam veniret partus eius, peperit masculum.* Ezech. 44. 2. *Et dixit Dominus ad me: porta haec clausa erit, non aperietur, & vir non transibit per eam; quoniam Dominus Deus Israel ingressus est per eam, eritque clausa principi.* Matth. 1. 20. *Hac autem eo cogitante, Ecce Angelus Domini apparuit in somnis ei, dicens: Ioseph fili David, noli timere accipere Mariam conjugem tuam: quod enim in ea natum est de Spiritu sancto est.* Luc. 1. 34. 35. *Dixit autem Maria ad Angelum: quomodo fiet istud, quoniam virum non cognosco?* Et respondens Angelus, dixit ei: *Spiritus sanctus superveniet in te, & virtus Altissimi obumbrabit tibi: Ideoque & quod nascetur ex te sanctum, vocabitur Filius Dei.* Eadem colligitur ex Aaronis virga, rubo incombusto, tabernaculo in sole, vellere Gedeonis, lapide absicisso sine manibus, de quibus sequenti capite quinto. Ex eius item pulchritudine de qua infra membro 16.

V. Benignitate, cum salutat Elizabeth.
 Luc. 1. 40. *Et intravit in domum Zachariae, & salutavit eam.*

lutant Elizabeth, vt supra membro tertio.

V. I. Electa. Cant. 6. 8. 9. *Vna est columba mea, perfecta mea, vna est matri suae, electa genitrici suae. Viderunt eam filiae, & beatissimam predicauerunt, regina & concubina laudauerunt eam. Quae est ista: quae progreditur quasi aurora consurgens, pulchra vt luna, electa vt sol, terribilis vt castrorum acies ordinata?*

VII. Fuit fortis. Prou. 31. 10. *Mulierem fortem quis inueniet? procul, & de ultimis finibus pretium eius.* Sic Ioan. 19. 25. vt membro. 3. Stat iuxta crucem CHRISTO patiente, cum doloris gladius animam eius iuxta vaticinium Simeonis. Luc. 2. 35. pertransiuit. Quo etiam spectat. Cant. 4. 3. 16. 3. 9. 17. 1. 2. vt infra membro 16.

VIII. Humilis. Luc. 1. 38. *Dixit autem Maria: Ecce ancilla Domini, fiat mihi secundum verbum tuum, & discessit ab illa Angelus. Verl. 48. Quia respexit humilitatem ancilla suae: ecce enim ex hoc beatam me dicent omnes generationes.*

IX. Misericors. Ioan. 2. 3. *Et deficiente vino, dicit mater Iesu ad eum: Vinum non habent. quae & Dei misericordiam praedicat. Luc. 1. 50. Et misericordia eius a progenie in progenies timentibus eum.*

X. Modesta. Vide humilitatem. memb. 8.

XI. Debuit esse tota virtutum fragrantia Odorifera. Cant. 3. 6. *Quae est ista, quae ascendit per desertum sicut virgula fumi, ex aromatibus myrrhae & thuris, & vniuersi pulueris pigmentarij?*
Ibid.

Ibid. cap. 4. 10. 11. *Quam pulchra sunt mammae tuae, soror mea sponsa? pulchriora sunt ubera tua vino, & odor unguentorum tuorum super omnia aromata. Favus distillans labia tua sponsa, mel & lac sub lingua tua; & odor vestimentorum tuorum sicut odor thuris.* Vers. 13. 14. *Emissiones tuae paradysus malorum punicorum cum pomorum fructibus, cypri cum nardo, nardus & crocus, fistula & cinnamomum cum vniuersis lignis Libani, myrrha & aloë cum omnibus primis unguentis.* Capit. 7. 8. *Dixi: ascendam in palmam & apprehendam fructus eius, & erunt ubera tua sicut borri vineae, & odor oris tui sicut malorum.* Eccl. 24. 20. 21. 22. 23. 24. 25. 26. 27. 28. 29. 30. 31. *Sicut cinnamomum & balsamum aromatizans odorem dedi: quasi myrrha electa, dedi suauitatem odoris, & quasi storax & galbanus, & unguis & gutta, & quasi Libanus non incisus vaporavi habitationem meam, & quasi balsamum non mistum odor meus. Ego quasi terebinthus extendi ramos meos, & rami mei honoris & gratia. Ego quasi vitis fructificavi suauitatem odoris: & flores mei fructus honoris & honestatis. Ego mater pulchra dilectionis & timoris, & agnitionis, & sanctae spei. In me gratia omnis via ac veritatis, in me omnis spes vite & virtutis. Transite ad me omnes qui concupiscitis me, & à generationibus meis implemini: Spiritus enim meus super mel dulcis, & hereditas mea super mel & fauum. Memoria mea in generationes seculorum. Qui edunt me, adhuc esurient, & qui bibunt me, adhuc sitient, Qui audit me, non confundetur.*

detur, & qui operantur in me non peccabunt. Qui elucidant me, vitam aeternam habebunt.

XII. Patiens, Matt. 2. 13. Qui cum recessissent, ecce Angelus Domini apparuit in somnis Ioseph, dicens: Surge & accipe puerum, & matrem eius, & fuge in Aegyptum, & esto ibi usque dum dicam tibi: futurum est enim ut Herodes querat puerum ad perdendum eum. Luc. 2. 34. Et benedixit illis Simeon, & dixit ad Mariam matrem eius: Ecce positus est hic in ruina, & in resurrectionem multorum in Israel, & in signum cui contradicetur. Vide etiam Ioan. 19. 25. ut membro tertio.

XIII. Pauper spiritu. Matth. 2. 11. Et intrantes domum, inuenerunt puerum cum Maria matre eius, & procidentes adorauerunt eum: & apertis thesauris suis obtulerunt ei munera, aurum, thus, & myrrham.

XIV. Pia, id ostendit in cantico. Luc. 1. 46 47. 48. 49. Et ait Maria: Magnificat anima mea Dominum: Et exultauit spiritus meus in Deo salutari meo: Quia respexit humilitatem ancilla sua; ecce enim ex hoc beatam me dicent omnes generationes. Quia fecit mihi magna qui potens est: & sanctum nomen eius. &c.

XV. Prudens, conseruando verbum Dei in corde. Luc. 2. 19. Maria autem conseruabat omnia verba haec, conferens in corde suo. Vers. 51. Et descendit cum eis, & venit Nazareth, & erat subditus illis. Et mater eius conseruabat omnia verba haec in corde suo.

XVI:

XVI. Pulchra. Cant. 4. 1. 2. *Quam pulchra es amica mea, quam pulchra es! Oculi tui columbarum, absq; eo, quod intrinsecus latet. Capilli tui sicut greges caprarum, quæ ascenderunt de monte Galaad.* Vers. 3. 4. *Sicut vitæ coccinea labia tua, & eloquium tuum dulce. Sicut fragmen mali punici, ita gena tua, absq; eo, quod intrinsecus latet. Sicut turris David collum tuum, quæ edificata est cum propugnaculis: mille clypei pendent ex ea, omnis armatura fortium.* Vers. 7. *Tota pulchra es amica mea, & macula non est in te.* Ibidem capit. 5. 9. *Qualis est dilectus tuus ex dilecto, ô pulcherrima mulierum? qualis est dilectus tuus ex dilecto, quia sic admirasti nos? Vers. 17. Quo abiit dilectus tuus ô pulcherrima mulierum? quo declinavit dilectus tuus, & quæremus eum tecum? Capit. 6. 3. Pulchra es amica mea, suavis, & decora sicut Ierusalem: terribilis ut castrorum acies ordinata.* Vers. 9. *Quæ est ista, quæ progreditur quasi aurora consurgens, pulchra ut luna, electa ut sol, terribilis ut castrorum acies ordinata? Capit. 7. 1. 2. Quid videbis in Sennamite, nisi choros castrorum? Quam pulchri sunt gressus tui in calceamentis, filia principis: iunctura femorum tuorum, sicut monilia quæ fabricata sunt manu artificis. Umbilicus tuus crater tornatilis, nunquam indigens poculis. Venter tuus sicut aceruus tritici vallatus lilijs. Vnde & est lilius.* Cant. 2. 2. *Sicut lilius inter spinas, sic amica mea inter filias.* Cap. 7. 6. *Quam pulchra es, & quam decora charissima in delictis!*

XVII. Terribilis vt castrorum acies dæmonibus. Cant. 6. 8. 9. vt membro. 6.

XVIII. Mater Domini. Matth. 2. 13. *Quis cum recessissent, ecce Angelus Domini apparuit in somnis Ioseph dicens: Surge, & accipe puerum & matrem eius, & fuge in Aegyptum, & esto ibi usque dum dicam tibi. Futurum est enim vt Herodes querat puerum ad perdendum eum.* Ibid. capit. 12. 47. *Dixit autem ei quidam: Ecce mater tua, & fratres tui foris stant querentes te.* Mat. 3. 31. 32. *Et veniunt mater eius & fratres, & foris stantes miserunt ad eum vocantes eum, & sedebat circa eum turba, & dicunt ei; ecce mater tua, & fratres tui foris querunt te.* Ioan. 19. 25. vt membro. 3.

XIX. Mater cunctorum viuentium. Genes. 3. 20. *Et vocauit Adam nomen vxoris sue, Heua, eo quod mater esset cunctorum viuentium.*

CAPVT V.

Præcipuis quibuscunq; rebus in sacris litteris comparata.

I. Est Arx Siõ in qua habitat Dauid. 2. Reg. 5. 7.

II. Ciuitas Dei de qua gloriosa dicta sunt, in qua habitat Dominus. Psal. 45. 5. 6. *Fluminis impetus laetificat ciuitatem Dei, sanctificauit tabernaculum suum Altissimus: Deus in medio eius non commouebitur, adiuuabit eam Deus manè diluculo.* Psalm. 86. 1. 2. 3. 4. 5. 6. 7. *Fundamenta eius in montibus sanctis: diligit Dominus portas Sion super omnia tabernacula Iacob. Gloriosa dicta sunt de te, ciuitas Dei. Memor ero Rahab, & Babylonis scientium me. Ecce alienigena, & Tyrus,*